

Пайғамбаримизнинг никоҳ ва турмуш ҳаётидаги суннатлари

«Ҳадю Муҳаммад соллаллоҳу алайҳи ва саллам фи ибадатиҳи ва муъамалатиҳи ва ахлақиҳи» китобидан иқтибос

[Ўзбекча – Uzbek – الأوزبكي]



Доктор Аҳмад ибн Усмон ал-Мазяд



Мутаржим: Абу Абдуллоҳ Шоший

Мухаррир: Абу Муҳаммад Али Бухорий

هدية صلّى الله عليه وسلّم في النكاح والمعاشرة

مقالة مقتبسة من كتاب هدي محمد صلى الله عليه وسلم في عبادته ومعاملاته وأخلاقه

[الأوزبكي – Uzbek – Ўзбекча]



د. أحمد بن عثمان المزيّد



ترجمة: أبو عبد الله الشاشي
مراجعة: أبو محمد علي البخاري

14- Пайғамбар соллаллоҳу алайҳи ва салламнинг никоҳ ва турмуш ҳаётидаги суннатлари¹

- 1- Пайғамбар соллаллоҳу алайҳи ва салламдан келган ушбу ҳадислар саҳиҳдир:
 “Менга сизларнинг дунёдан аёллар ва хушбўй нарсалар суюкли қилинди. Кўз қувончим эса намозда қилинди” (Насойй ривояти).
 “Эй ёшлар жамоаси, сизлардан ким никоҳга қодир бўлса, бас, уйлансин!” (Муттафақун алайҳ).
 “(Эрини) яхши кўрадиган ва туғадиган аёлларга уйланинг!” (Абу Довуд ривояти).
- 2- Пайғамбар соллаллоҳу алайҳи ва саллам аёлларига яхши муомала қилиб, чиройли турмуш кечирар эдилар. Айтар эдиларки: “Сизларнинг яхшиларингиз ўз аҳли-аёлига яхши бўлганингиздир ва мен ўз аҳли-аёлига энг яхши бўлганингизман” (Термизий ва Ибн Можа ривояти).
- 3- Аёлларидан бири қайтарилмаган бирон нарсани истаса, уларнинг кўнглига қарардилар.
 Ансорларнинг кизларини (хотинлари) Оиша билан бирга ўйнашлари учун жўнатар эдилар. Оиша бир идишдан (сув ёки сут) ичса, у зот идишни олар ва у оғзини қўйган жойга оғзини қўйиб ичар эдилар. Оишанинг қўйнига бошларини суяган ҳолда Қуръон ўқир эдилар. Баъзан Оиша ҳайзли бўлар,

¹ Зодул-маод (1/154).

унга изор ўраб олишни буюрар ва у билан мубошара² қилар эдилар.

- 4- Аср намозини ўқигач, аёлларини айланиб чиқар, уларга яқинлашар, ахволларини сўрадилар. Кечаси бўлганда навбати келган аёлининг уйига келиб, кечани фақат унинг ёнида ўтказар эдилар.
- 5- Тунаш, ёнида бўлиш ва нафақани аёллари орасида тенг тақсимлар эдилар. Баъзан бошқа аёлларининг олдида улардан бирига қўлларини узатар эдилар³.
- 6- У зот аёлига кечанинг бошида ҳам, охирида ҳам яқинлашарди. Агар кечанинг бошида яқинлашса, баъзан ғусл қилиб ухласалар, баъзан таҳорат қилиб ухлар эдилар.

Расулуллоҳ соллаллоҳу алайҳи ва саллам: “Хотинининг орқасига (яъни, орқа авратига) яқинлик қилган киши малъун (яъни, лаънати)дир”, дедилар (Абу Довуд ривояти).

Расулуллоҳ соллаллоҳу алайҳи ва саллам: “Сиздан бирингиз аёлига қўшилмоқчи бўлса, “Аллоҳумма жаннибнаш-шайтона ва жаннибиш-шайтона мо розақтана”, (маъноси: “Эй Аллоҳ! Биздан ва бизга ризқ қилиб берадиганинг (фарзанд)дан шайтонни йироқ қил”, деса, агар бунда уларга фарзанд тақдир қилинган бўлса, у (бола)га шайтон ҳеч қачон зарар бермайди”, дедилар (Бухорий ва Муслим ривояти).

- 7- Расулуллоҳ соллаллоҳу алайҳи ва саллам дедилар: “Агар бирортангиз уйланса ёки хизматкор ёда улов сотиб олса, унинг пешонасидан ушлаб (пешонасига қўлини қўйиб, туя бўлса, ўркачига қўлини қўйиб), барака тилаб Аллоҳга дуо қилсин, Аллоҳ азза ва жалланинг исмини айтиб, қуйидагича дуо қилсин:

² Либос устидан яқинлашмоқ.

³ Зодул-маод (1/194).

«Эй Аллоҳ! Мен Сендан унинг ва унга (туғма) табиат қилиб берган нарсангнинг яхшилигини сўрайман. Унинг ва унга табиат қилиб берган нарсангнинг ёмонлигидан паноҳ беришингни сўрайман» (Абу Довуд ва Ибн Можа ривояти).

- 8- Уйланган кишига шундай дуо қиларди: “Баракаллоху лака, ва барока алайка, ва жамаъ байнакумо ала хойр”, (маъноси: “Аллоҳ сизга бу никоҳни баракотли этсин. Аллоҳ сизга баракотлар ёғдирсин ва иккинги сизнинг ўртангизни яхшиликда жамласин”) (Абу Довуд, Термизий, Насойй ва Ибн Можа ривояти).
- 9- Агар сафарга чиқмоқчи бўлсалар, аёллари орасида куръа ташлар, куръа қай бирига чиқса, ўша аёли Пайғамбар алайҳис-салоту вас-салом билан бирга кетар, қолган аёлларига эса ўрнига бирон кун ўтаб бермасдилар.
- 10- Уйларга, уйларнинг қурилишига, баландлатилишига, безанишига-ю кенгайтирилишига эътибор бермасдилар.
- 11- Расулуллоҳ соллаллоҳу алайҳи ва саллам (ўрни келганда аёлларидан бирига) талоқ берганлар ва қайтариб ҳам олганлар, аёлларига бир ой ийло⁴ қилдилар, лекин ҳеч қачон зиҳор⁵ қилмадилар.

⁴ Ийло — эрнинг ўз хотинига яқинлашмасликка қасам ичиши ва яқинлашмаслиги.

⁵ Зиҳор — эрнинг ўз хотинини онаси ёки никоҳига олиб бўлмайдиган яқинига ўхшатиши.

